



# ՄԱՇՏՈՑԻ ԱՐՁԱԳԱՆԳ

Հայաստանեայց Եկեղեցւոյ Կիրակնօրեայ Դպրոցներ  
Սուրբ Յակոբ, Մոնթրէալ  
1980 - 2005

# Ամսակ

# 25

ԺԲ. ՏԱՐԻ ԹԻԻ 10

Յունիս 2005

Կիր.	Բ2.	Գ2.	Դ2.	Ե2.	Ուր.	Շբ.
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30		



4	Ս. Մեծն Ներսէս Հայրապետ
7	Ս. Կոստանդին Կայսր եւ իր մայրը Ս. Հեղինէ
11	Ս. Գրիգոր Լուսաւորիչ «Գիւտ ճշխարաց»
16	Սուրբ թարգմանիչներ «Ս. Սահակ եւ Ս. Մեսրոպ»
18	Ս. Տրդատ Թագաւոր եւ Աշխէն թագուհի
25	Քրիստոսի Տասներկու Սուրբ Առաքեալներ եւ Պօղոս տասներեքերորդ Առաքեալը
26	Բարեկենդան Վարդավառի Պահքի

*Տեսարան Սեւանայ լիճի կղզիէն եւ անոր վրայ կառուցուած վանքերէն*

**Այս տարուան վերջին թիւով...**

**Ծանօթացումը Հայաստանի Հանրապետութեան Գեղարքունիքի մարզին հետ**

**Աստուածաշունչը պատմուած փոքրիկներուն.- Կաղին բուժումը**

**Մայիս ամսուան պատասխաններ եւ մասնակցողներ**

**Կարճ լուրեր կիրակնօրեայէն**

Աեր՝ առանց կեղծիքի. ասելով չարը՝ յարիլ բարիին. եղբայրասիրութեան մէջ, իրարու հանդէպս գթասիրտ. պատուելու մէջ՝ առաջ նետուիլ. ջանասիրութեան մէջ չըլլալ վեհերոտ. հոգիով եռացէք. Տիրոջ ծառայեցէք. յոյսով ուրախացէք. նեղութեան համբերեցէք. ստէպ աղօթեցէք. հաղորդակից եղէք սուրբերու կարիքներուն. հետամուտ եղէք հիւրասիրութեան:

## Ծանօթացում Հայաստանի հետ Գեղարքունիքի մարզ



Գեղարքունիքի մարզը կը գտնուի Հայաստանի Հանրապետութեան Արեւելեան մասին մէջ եւ կ'ընդգրկէ Սեւանայ լիճի ջրաւազանը: Անոր ծանօթ քաղաքներէն են Մարտունի, Ճամբարակ, Սեւան: Գիւղերէն ամենէն մեծն է Վարդենիկ Գիւղը, իսկ մարզի կեդրոնն է Գաւառ քաղաքը:

Մարզի ծանօթ վայրերէն մէկն է Նորատուս Գիւղը ուր պահպանուած են տարբեր տարբեր դարաշրջաններէ հասած յուշարձաններ: Գիւղի կեդրոնը կը բարձրանայ Սուրբ Աստուածածին եկեղեցին, կառուցուած 9-րդ դարու վերջը: Նորատուսի մէկ այլ ծանօթ վայրն է նաեւ Նորատուսի ընթարցակ գերեզմանոցը, ուր տեղադրուած են 13-րդ մինչեւ 17-րդ դարու բազմաթիւ խաչքարեր:



### Գիտէի՞ր թէ...

Սեւանայ լիճի կղզին այժմ... թերակղզի մըն է: Իսկապէս ալ, նախքան Սեւանայ լիճի մակարդակին ցածնալը կղզի էր ան, իսկ այժմ՝ ջուրի մակարդակի նուազման հետեւանքով՝ թերակղզի:

Կղզիին վրայ 8-րդ դարուն հաստատուած վանականները կառուցած են երկու վանքեր, ինչպէս նաեւ խուցեր եւ այլ օժանդակ շինութիւններ: Այս երեքէն պահպանուած են երկու վանքերի Սուրբ Առաքելոց եւ Սուրբ Աստուածածին, երկուքն ալ կառուցուած 871 թուականին:



**Սեւանայ լիճ**


Սեւանայ լիճը կը գտնուի շուրջ 1900 մետր բարձրութեան վրայ: Այսպիսով ան կը նկատուի աշխարհի երկրորդ ամենէն բարձր դիրքի վրայ գտնուող լիճը: Ան կը կոչուի նաեւ Գեղամայ կամ Գեղարքունեաց ծով: Քաղցրահամ լիճ է որուն մէջ կը թափին շուրջ 28 գետեր ու գետակներ որոնցմէ ամենէն աւելի մեծերն են Զկնագետը, Վարդենիկը, Կարճաղբոյրը, Մասրիկը: Իսկ այդ լիճէն ծնունդ կ'առնէ բոլորին ծանօթ Հրազդան գետը:

Սեւանայ լիճին մէջ կ'աճի Իշխանաձուկը, Կողակը եւ սիգը որոնք շատ համեղ են

Սեւանայ թերակղզիին վրայ կը գտնուի Վազգէնեան Հոգեւոր Դպրանոցը որ հիմնուած է 1990 ին:

**Տրդատի Դուռը**

Էջմիածնի մայր տաճարէն դէպի վեհարան գացող ճամբւն վրայ կը գտնուի կամառաձեւ Տրդատի Դուռը: Մեծն Տրդատ թագաւոր 301 թուականին այս տեղէն յայտարարեւ է թէ Հայաստան որպէս պետական կրօն կէ ճանչնայ Քրիստոնէութիւնը: Եւ այս դուռը իր անունով կը կառուցուի: Այս տարի Ս. Տրդատ թագաւոր եւ Աշխէն թագունիի տօնը կը յիշատակենք Յունիս 18 ին:



# Աստուածաշունչը՝ պատմուած փոքրիկներուն

## Կաղ անձ մը բժշկուեցաւ




Բարեւ: Ես Յովհաննէսն եմ: Պետրոսը եւ ես Յիսուսի առաքեալներէն էինք: Երկար ատեն իրար հետ եղած ենք եւ միասին էինք երբ իմացանք որ Յիսուս մեռելներէն յարութիւն առեր էր: Յիսուսի դրախտ երթալէն ետք, Պետրոս եւ ես շատերու Իր մասին կը խօսէինք: Կ'ուզեմ ձեզի պատմել թէ ինչ պատահեցաւ օր մը:

Պետրոս եւ ես տաճար կ'երթայինք աղօթելու: Երբ մօտեցանք, տեսանք որ մարդ մը գետինը գորգի մը վրայ պառկած էր: Ան ծնած օրէն կաղ էր: Ամէն օր կը պառկեր տաճարի մուտքին եւ անցորդներէն ողորմութիւն կը խնդրէր:





Երբ կաղը մեզ տեսաւ, մեզմէ ալ բան մը խնդրեց: Պետրոս անոր նայեցաւ ու ըսաւ՝ «Արձաթ եւ ոսկի չունիմ, բայց ինչ որ ունիմ՝ քեզի կուտամ: Յիսուսի Քրիստոսի անունով կ'ըսեմ քեզի՝ ոտքի ել ու քալէ»:




Ան քաշեց կաղին աջ ձեռքէն եւ կանգնեցուց զայն: Կաղին ոտքերը զօրացան, ան տեղէն վեր ցատկեց ու կեանքին առաջին անգամ ըլլալով սկսաւ քալել: Կաղը ցատկուտելով մեր հետ տաճար մտաւ, աղօթեց ու զԱստուած օրհնաբանեց:

Նոր կտակարանի ժամանակներուն անդամալոյծ մարդիկը զիրենք փոխադրող անիւով աթոռներ չունէին, այլ անոնց բարեկամները իրենց կը գրկէին եւ կը տանէին իրենց ուզած տեղը:

Երբ Պետրոս կը բուժէր մարդոց, կ'ըսէր «Յիսուս Քրիստոսի անունով»: Ան կ'ուզէր որ մարդիկ գիտնան որ Յիսուսն էր զիրենք բժշկողը: Առանց Յիսուսի ուժին Պետրոս պիտի չի կրնար բժշկել:

Մարդիկ այս հրաշքը տեսնելով զարմացան: Պետրոս ըսաւ անոնց «Ինչո՞ւ կը զարմանաք ու ապշած մեզի կը նայիք, կը կարծէք որ մենք մե՛ր զօրութեամբ այս մարդուն քալել տուինք: Ո՛չ: Յիսուս ինք բժշկեց այս մարդը, որ դուք կը տեսնէք եւ կը ճանչնաք, որովհետեւ ան Յիսուսի անուան կը հաւատար: Հաւատքն էր որ այս մարդուն առաջնութիւն տուաւ: Ապաշխարեցէք եւ հաւատացէք Յիսուսի, որպէսզի ձեր մեղքերն ալ ջնջուին:» Այդ օրը շատ մարդիկ սկսան հաւատալ Յիսուսի:



**Մտածէ՛  
ասոր  
մասին**

Կաղ մարդը Յովհաննէսէն եւ Պետրոսէն դրամ ուզեց: Երեւակայեցէք որչափ զարմացաւ ան երբ անոնք փոխանակ իրեն դրամ տալու զինք բժշկեցին: Երբ Աստուծմէ բան մը կը խնդրենք, Ան երբեմն մեր ուզածէն շատ աւելին կուտայ:

## Մայիս ամսուան մասնակցողներ եւ պատասխաններ **Պատասխաններ**

### Մանկապարտէզի անկիւն

Սուրբ Գրքերը, յարութիւն, զօրութիւն,  
Բեթանիա, բարձրանալով, ուրախութեամբ

### Նախակրթարան Ա. Բ. Գ. անկիւն

1. ք. Քառասուն
2. Համբարձում
3. ա. Երկու
4. Հոգեգալուստ
5. Էջմիածին
6. դ. 25
7. Մատթէոս
8. Թաղէոս, Թովմաս
9. ա. Մարիամ, ք. Սառա, գ. Եւա, դ. Եղիսաբէթ
10. ա. Լոռի

### Նախակրթարան Դ. Ե. Զ. անկիւն

1. ա. Վանաձոր
2. գ. Երկրորդ Ծաղկազարդի
3. ք. Յիսուն
4. ք. Յիսուն
5. ա. Լոռի
6. ա. 7 Դեկտեմբեր 1988
7. Սուրբ Հոգին
8. դ. Առաքեալներուն Գործերը
9. ա. 2003
10. դ. Ս. Ղուկաս Աւետարանիչ

### Երկրորդականի անկիւն

1. ք. Լոռի
2. ա. Երկրորդ Ծաղկազարդ, Հոգեգալուստ, Յիշատակ Եղիա մարգարէին, Տօն Սուրբ Էջմիածնի
3. Ս. Հռիփսիմէ
4. Ս. Գայիանէ
5. Առաքեալներուն Գործերը
6. Հրեղէն լեզուներու
7. Վիճակ
8. ա. Մատաթիա
9. Մայիս 28
10. Տօն Ս. Էջմիածնի

### Մասնակցողներ

#### Մանկապարտէզ

#### Անսխալ պատասխանողներ

Սեւակ Պապիկեան, Արին Անթեպեան,  
Յուլիա Անթեպեան, Ճեսիքա  
Մաթէոսեան

#### Նախակրթարան Ա. Բ. Գ. անկիւն

Արագ Գաբթանճեան, Մհեր  
Մաթէոսեան

#### Անսխալ պատասխանողներ

Առէն Պապիկեան, Դալար  
Գաբթանճեան, Ալէք Կարապետեան

#### Նախակրթարան Դ.Ե.Զ. անկիւն

Գօգօ Մատթէոսեան, Հրայր  
Մատթէոսեան, Արի Միրզայեան,  
Ճօրճ Արմաղանեան, Պետիկ  
Նազարեան, Լորա Սարիմանուկեան,  
Ռիթա Գօճեան, Մարիա Դանիէլեան,  
Ժան-Յակոբ Չուխաճեան, Հրակ  
Նարեկեան, Անի Մելեքեան, Թամար  
Պուքեան, Քրիստինա Կարապետեան:

#### Երկրորդականի անկիւն

Կարօ Կարապետեան, Յովիկ  
Կարապետեան, Փօլ Գիզիրեան:

# ՄԱՇՏՈՑԻ ԱՐՁԱԳԱՆԳ ԺԲ. Տարի Խմբագրական Կազմ

Խմբագիր՝  
Աշխատակիցներ՝

Ծաղիկ Պոյաճեան  
Յասմիկ Նաճարեան  
Գարուլ Գաբթանճեան  
Երան Լոշխաճեան  
Ծողիկ Նաճարեան  
Նիկոլ Դանիէլեան  
Թորոս Պապիկեան

«ՄԱՇՏՈՑԻ ԱՐՁԱԳԱՆԳ»ը Կը գտնուի նաեւ համացանցի (internet) վրայ: Այցելեցէ՛ք

**www.sourphagop.org**, ձախ կողմի կոճակներէն

«Պարբերաթերթ»ը ձեզ կ'ուղղէ դէպի ներկայ եւ նախկին թիւերը...

### «Ճաշու աւետարան»ը

Կը գտնուի նաեւ համացանցի (internet) վրայ: Այցելեցէ՛ք [www.sourphagop.org](http://www.sourphagop.org), ձախ կողմի կոճակներէն «Ճաշու աւետարան»ը ձեզ կ'ուղղէ դէպի ամսուան իրաքանչիւր օրուան Ճաշու Աւետարանի հատուածները...

*Հայաստանեայց Առաքելական Սուրբ Յակոբ Մայր Եկեղեցւոյ  
Կիրակնօրեայ Դպրոցի կամաւոր խմբակը.-*

*Ուսուցիչներ՝ Վերժին Գէպթանճեան, Սալբի Բակլաեան, Յասմիկ  
Նաճարեան, Երան Լոշխաճեան, Վերա Կարապետեան, Գարուլին  
Գէպթանճեան, Ծողիկ Նաճարեան, Աշխէն Իշխանեան, Յասմիկ  
Գանաճեան, Տնօրէն՝ Թորոս Պապիկեան, Լուսանկարիչ՝ Նիկոլ  
Դանիէլեան, Պարբերաթերթ՝ Ծաղիկ Պոյաճեան:*